

嘉慶廬州府志

廬州府志卷三

賜進士出身廬州府知府溫陵張祥雲主修
山川志下

府治合肥水

肥水

水經肥水出九江成德縣廣陽鄉西北過其縣西北入芍
陂又北過壽春縣東北入於淮注呂忱字林曰肥水出夏
餘山俗謂之連柳山亦或以爲獨山也北流分爲二水施
水出焉肥水又北逕狄城東又北逕狄邱東右會施水枝
津首受施水於合肥縣城東西流逕成德縣注於肥水也
又云肥水自荻邱北逕成德縣故城西王莽更之曰平阿

也又北逕芍陂東又東北逕死虎塘東芍陂瀆上承香門陂與芍陂合更相通注故經言入芍陂矣肥水東北又合閤澗水上承施水於合肥縣北流逕遼道縣西水積爲陽湖陽湖水自塘西流逕死虎亭南夾塘西注水分爲二澗澗出焉閤漿水注之水受芍陂陂水上承澗水於五門亭南別爲斷神水東北逕神迹亭東又北謂之豪水雖廣異名事實一水又東北逕白芍亭東積而爲湖謂之芍陂陂周百二十許里在壽春縣南八十里言楚相孫叔敖所造

施水

水經施水又從廣陽鄉東南入於湖注施水受肥於廣陽鄉東南流逕合肥縣應劭曰夏水出城父東南至此與肥

合故曰合肥闕駟亦言出沛國城父東至此合爲肥按川流殊派別無沿注之理方知應闕二說非實證也蓋夏水暴長施合於肥故曰合肥也非謂夏水自城父東逕合肥縣城南居四水中又東有逍遙津水上舊有梁施水又東分爲二水枝水北出焉下注陽淵施水又東逕湖口戍東注巢湖謂之施口也

太平寰宇記合肥縣肥水出縣西南八十里藍家山東南流入於巢湖

方輿勝覽肥水在合肥縣應劭曰夏水出城父東南至此與肥合故曰合肥爾雅曰歸異出同曰肥廬江四辯曰水出雞鳴山北流二十里分而爲二其一東南流入巢湖其

一西北流二百里出壽春西投于淮二水皆曰肥

輿地紀勝肥水在舒城縣南又云金城河在合肥縣西九
十里又云古者巢湖水北合於肥河故魏窺江南則循渦
入淮自淮入肥由肥而趨巢湖吳人撓魏亦必由此厥後
肥河堙塞不復通于巢湖司馬遷曰合肥壽春受南北湖
蓋此水也按趙氏輿地攷云古巢湖北流合於肥河今堙
矣

天下名勝志引南畿志肥水出紫蓬山東北流逕雞鳴山
入金斗河一支西北流東復轉南下至東門外卽今余公
廟前二水相合故曰合肥如畿志所去則以肥合肥與出
同歸異之旨脗合似當從之但今上源堙塞肥水相入且

無之矣

〔明隆慶志〕肥源出紫蓬山北流二十里分爲二其一東南流歸巢湖其一西北流經壽春歸淮一名金城河

按水經有肥水合流有施水水經注又有芍陂香門陂閘湖水陽湖水洛澗水閻漿水斷神水豪水道遙津水陽澗水凡十一名輿地紀勝又有兌水金城河七曲水三澗獅子步河小史河胡盧河七名皆在今縣境自梁韋叡爲豫州刺史攻魏堰肥水通戰艦高與城等唐刺史杜公作斗門引肥水入後浦諸水枝津始亂而淮肥不通於巢湖今又易水爲河古名遂失不可考然今金城河卽肥水則派河店埠河三河蓋卽水經注所載施水閻澗諸水也今西

口入巢湖之水卽肥水合施之枝流而通淮之肥水在今壽州東北十里入淮方志謂之東肥河又有西肥河亦在壽州入淮卽古夏肥水但不復通于巢湖耳

又按水經注載入淮之肥不載入湖之肥而載施水入湖云肥水經芍陂合閘澗水水上承施水于合肥縣北則施肥之閒有閘澗爲之通注今西口入湖之水卽施水無疑亦宋明人所謂入湖之肥水矣魏時循澗入肥由肥趨巢湖蓋由肥經閘澗水自施水達湖也施水及肥水泚水俱入淮中間兼引泄水爲芍陂占壽州六安合肥之境堰水爲湖以資蓄洩故能使肥水閘澗施水合達巢湖史記貨殖傳云合肥受南北湖南則巢湖北謂芍陂也今水利不修

芍陂堙塞南北湖不通惟存壽州北入淮之肥及合肥入湖之水并失施水之名川流遷革勢所必有欲通渦淮入湖必蓄此肥于芍陂以復古迹乎

魏王粲浮淮賦并序建安十四年春三月王師自譙東征大興水軍浮舟萬艘秋七月始自渦入淮口將出肥水經合肥旌帆之盛誠孝武盛唐之狩舳舳千里不是過也時粲以丞相掾隨行承命同作斯賦從玉師以南征兮浮淮水而遐逝背渦浦之曲流兮望馬邱之高蹇汎洪櫓於中朝兮飛輕舟乎濱濟建衆橋以成林兮譬無山之樹藝於是迅風與潭隈濤波動長瀾鉦鼓若雷旄麾翳日飛雲天迴若鷹飄逸滂沛洶濤避相競軼凌驚波以高鶩馳駭浪而赴敵嘉舟徒之巧極美榜人之閑疾白日未移前驅已屆羣師按部左右就隊軸轅千里名卒億計運茲威以赫怒清海隅之芥蒂濟元勳於一舉垂休績乎遠裔

魏文帝浮淮賦沂淮水而南邁兮汎洪濤之溟波仰品岡之崇阻兮經東山之曲阿浮方舟之萬艘兮建干將之銛戈揚雲旗之纒紛兮聆榜人之誦譁乃撞金鐘伐雷鼓白旄冲天黃鉞扈扈武將奮發驍騎赫怒於是驚

風汎涌浪駭眾帆張羣擢起爭先逐進莫適相待

派河

明隆慶志在城南三十五里源出大蜀山東南流歸湖

金斗河

明隆慶志在東門外源出鷄鳴山逕府城自西水關流入城中至時雍門流歸巢湖

田實發金斗河議金斗河卽肥河也肥水出縣城西七
十里之紫蓬山過雞鳴山北二十里許分爲二一東向
流逕合肥城南又東南入巢湖一西北流二百里出壽
春西入淮二水皆名肥爾雅歸異出同曰肥謝元肥水
之捷入公草木皆疑晉兵西北之肥也孫仲謀所越道
遙津東南之肥也於其經合肥城者分而入金斗門則
所謂金斗河也然究其始水非入城也舊城原狹小今
之鎮淮樓卽舊城之北門河爲西北濠因宋時拓城而
廣之河遂穿城而流而別開一枝以達城爲濠自河入
城之後而民間之利甚溥矣穀米之出入竹木之栖泊

舟船徑抵縣橋或至郡邑署後百貨駢集千楫駢次兩
岸悉列貨肆商賈喧闐因其地氣疏通人心愉暢而官
長之超擢者籍紳之顯達者甲乙榜之多士風之厚民
俗之醇甲於他郡且其東北則爲關鳴池南爲教弩臺
乃魏武習水軍及弓弩舊址長虹臥波則縣橋也臨橋
四望或烟雨空濛或清月高映碧樹黃鸝青荷綠萍
椰釣金斗牙簫笠州菱歌牧笛相唱和稻畦一色鶯
鷺鳩鵲飛破水天廬陽勝槩莫過於斯明正德中太守
徐公鈺建思惠樓於城隍廟之後層巒遐矚東南則黃
山浮槎大小峴四鼎姥峯朝霞千丈變幻紅紫西北則
大蜀小蜀雞鳴紫蓬一帶之山遠接龍眠鹿起如萬馬
爭馳巖屏重疊公以政暇招賓從寮屬登臨其上謀藉
課讀周覽民風而思加惠焉無何以流寇之警公慮水
關難守遂障水城外以自固由是而金斗河淤塞舟楫
不復入城百貨壅滯關外箏箔浦涸爲菜畦思惠樓復
爲瓦礫而應陽之旺氣索然矣雖然不獨無利且有害
城勢西北高聳東南窪下河廢則閘廢啟閉無權蓄洩
罔措每夏春之交蛟水暴發淋漓不時土牆茅舍漂塞
街衢呼號之慘聞於中夜每歲而一見煩賢守令之鳩
集而哺恤者多也雍正十年郡守徐公牒請撫憲重濬
新河四民鼓舞但有以督催之員某某者利速就而論

功宜寬窄濬之宜深淺濬之河稍通如渠達報成功未幾復塞如故郡人士無不嗟怨之然如後有賢守令繼起而請之安知不復河之舊迹以去善親利安我四民爲百世之福哉余將日望之矣

店埠河

明隆慶志在城東四十里源出圓墮歸巢湖

三河

明隆慶志在城南九十里會盧江航埠水舒城城下水竝

歸巢湖

兌水

輿地紀勝兌水出分水嶺滿寵管疏雞鳴壩者此也

七曲水

輿地紀勝七曲水舊經云水源從西北自雞鳴山合三澗

獅子步河流入州下合小史河胡盧河七曲水故曰合肥
按舊志不載疑卽金斗諸河

茅埠河

明隆慶志在城北一百一十里東流歸含山河達江

滁水

太平寰宇記滁水出慎縣西暴禿古塘酈道元注水經云
滁水出浚道縣也

輿地紀勝龍潭在梁縣治後乃滁水上源潭在河流之中
去縣治不十步歷陽志載滁河源出廬州梁縣廳事之
側有蜃母居焉每山水乍溢有物自江而入或露頭角羣
魚從之沂流而上漁者隨捕富於所獲

〔玉海〕地理通釋滁水在滁州全椒縣南六十里源出廬州梁縣至瓜步入大江

〔滁州志〕滁河在州東南六十里源出廬州舊梁縣入全椒縣略至石潭與全椒襄水合流入本縣界東北流五十里至三汊與清流河合又東出瓦梁由瓜埠入於江酈元水經云滁水出遠道縣唐六典淮南道其大川有滁肥注云滁水出廬州之梁縣

芍陂 又見水利

〔合肥縣志〕安豐芍陂孫叔敖所創爲南北渠溉田萬頃

接芍陂引肥水泚水泄水其陂占壽州東南六安州東北合肥西北之境水經注以爲陂周百二十里在壽春縣南

八十里是入今合肥境內無疑今迹漸堙猶見縣志故存之水經注見上肥水

逍遙津

水經注合肥城東有逍遙津水上舊有梁

太平寰宇記古津水在縣西北四里魏武使張遼屯兵合肥新城吳孫權將十餘萬圍之遼兵少乃募敢從者八百餘人擊之於此而退

輿地紀勝在合肥西北五里

康熙志其上有梁

小史港

太平寰宇記合肥縣小史港卽後漢建安中廬江府小吏

焦仲卿妻劉氏爲姑所出自誓不嫁其家逼之乃投水死
仲卿聞之亦自縊時人憐之後以爲名

康熙志在小東門內

古樂府孔雀東南飛詩孔雀東南飛五里一裴徊十三
能織素十四學裁衣十五彈箜篌十六誦詩書十七爲
君婦心中常苦悲君既爲府吏守節情不移賤妾留空
房相見常日稀雞鳴入機織夜不得息三日斷五疋
大人故嫌遲非我織作遲君家婦難爲妾不堪驅使徒
留無所施便可白公姥及時相遣婦府吏得聞之堂上
敬阿母兄已薄祿相幸復得此婦結髮同枕席黃泉共
爲友共事三二年始爾未爲久女行無偏斜何意致不
厚阿母謂府吏何乃太區區此婦無禮節舉動自專由
吾意久懷忿汝豈得自由東家有賢女自名秦羅敷可
憐體無比阿母爲汝求便可速遣之遣去慎莫留府吏
長跪告伏惟歎阿母今若遣此婦終老不復取阿母得
聞之捶床便大怒小子無所畏何敢助婦語吾已失恩
義會不相從許府吏默無聲再拜還入戶舉言謂新婦
哽咽不能語我自不驩卿逼迫有阿母卿但暫還家吾
今且報府不久當歸還還必相迎取以此下心意慎勿

違吾語新婦謂府吏勿復重紛紜往昔初陽歲謝家來
貴門奉事循公姥進止敢自專晝夜勤作息伶俜縈苦
辛謂言無罪過供養卒大恩仍更被驅遣何言復來還
妾有緇腰襦葢自生光紅羅復斗帳四角垂香囊箱
奩六七十綠碧青絲繩物物各自異種種在其中人賤
物亦鄙不足迴後人留待作遺施於今無會因時時爲
安慰久久莫相忘雞鳴外欲曙婦起嚴妝著我緇袂
安事四五通足下躡絲履頭上玳瑁光腰若流紈素
耳著明月瑤指如削葱根口如含珠丹織織作綺步精
抄世無雙上堂拜阿母阿母怒不止昔作女兒時生小
山野里本自無教訓兼愧貴家子受母錢帛多不堪母
驅使今日還家去念母勞家裏卻與小姑別淚落連珠
子新婦初來時小姑始扶牀今日被驅遣小姑如我長
勤心養公姥好自相扶將初七及下九嬉戲莫相忘出
門登車去涕落百餘行府吏馬在前新婦車在後隱隱
何甸甸俱會大道口下馬入車中低頭共耳語誓不相
隔卿且暫還家去吾今且赴府不久當還歸誓天不相
負新婦謂府吏感君區區懷君既若見錄不久望君來
君當作磐石妾當作蒲葦蒲葦絀如絲磐石無轉移我
有親父兄性行暴若雷恐不任我意逆以煎我懷舉手
長勞勞二情同依依入門上堂進退無顏儀阿母大
拊掌不圖子自歸十三教汝織十四能裁衣十五彈箏

侯十六知禮儀十七遣汝嫁謂言無誓違汝今何罪過
不迎而自歸蘭芝慙阿母兒實無罪過阿母大悲推還
家十餘日縣令遣媒來云有第三郎窈窕世無雙始年
十八九便言多令才阿母謂阿女汝可去應之阿女含
淚答蘭芝初還時府吏見丁寧結誓不別離今日違情
義恐此事非奇自可斷來信徐更謂之阿母白媒人
貧賤有此女始適還家門不堪吏人婦豈合令郎君幸
可廣問訊不得便相許媒人去數日尋遣丞請還說有
蘭家女承籍有宦官云有第五郎嬌逸未有婚遣丞爲
媒人主簿通語言直說太守家有此合郎君既欲結大
義故遣來貴門阿母謝媒人女子先有誓老姥豈敢言
阿兄得聞之悵然心中煩舉言謂阿妹作計何不量先
嫁得府吏後嫁得郎君否泰如天地足以榮汝身不嫁
義郎體其往欲何云蘭芝仰頭答理實如兄言謝家事
夫婿中道還家門處分適兄意那得自任專雖與府吏
要渠會永無緣登即相許和便可作婚姻媒人下牀去
諾諾復爾爾還部白府君下官奉使命言談大有緣府
君得聞之心中大歡喜視歷復閱書便利此月內六合
正相應良吉三十日今已二十七卿可去成婚交語速
裝束絡繹如浮雲青雀白鶴筋四角龍子幡婀娜隨風
轉金車玉作輪鄢郢青驄馬流蘇金縷鞍齎錢三百萬
皆用青絲穿雜彩三百疋交廣市鮭珍從人四五百鬱

鬱登貴門阿母謂向女適得府君書明日來迎汝何不
作衣裳莫令事不舉阿女默無聲手中掩口啼淚落便
如鴻移我琉璃榻晚成單羅衫晚曉日欲暝愁思出門啼
羅朝成緒袂裙晚成單羅衫晚曉日欲暝愁思出門啼
府吏聞此變因求假暫歸未至二三里摧藏馬悲嘶新
婦識馬聲躡履相逢迎悵然遙相望知是故人來舉手
拍馬鞍嗟歎使心傷自君別我後人事不可量果不如
先願又非君所詳我有親父母逼迫兼弟兄以我應他
人君還何所望府吏謂新婦賀卿得高遷繁石方且厚
可以卒千年蒲葦一時紉便作旦夕閒卿當日勝貴吾
獨向黃泉新婦謂府吏何意出此言同是被逼迫君爾
妾亦然黃泉下相見勿違今日言執手分道去各各還
家門生人作死別恨恨那可論念與世閒辭千萬不復
全府吏還家去上堂拜阿母今日大風寒風摧樹木
嚴霜結庭蘭兒今日冥冥令母在後單故作不良計勿
復怨鬼神命如南山石四體康且直阿母得聞之零淚
應聲落汝是大家子仕宦於臺閣慎勿爲婦死貴賤情
何薄東家有賢女窈窕靚城郭阿母爲汝求復在且
夕府吏再拜還長歎空房中作計乃爾立轉頭向戶棄
漸見愁煎迫其日牛馬嘶新婦入青廬奄奄黃昏後寂
寂人定初我命絕今日魂去尸長留攬裙脫絛履舉身
赴清池府吏聞此事心知長別離徘徊願樹下自掛東

南枝兩家求合葬合葬華山傍東西植松柏左右種梧桐枝枝相覆蓋葉葉相交通中有雙飛鳥自名爲鴛鴦仰頭相向鳴夜夜達五更行人駐足聽寡婦起彷徨多謝後世人戒之慎勿忘

季子青小史港詩夫婿非秋胡妾身是羅敷府吏十百輩不如夫婿殊

又母憎無勤惰母怒無貞淫甘學韓憑婦未察韓憑心又孔雀寧斷尾不忍兩分張生爲孤鴻鴿死作雙鴛鴦田實發小史港詩沈淵義如山懸枝淚如雨黃葉與蓮荷各是一般苦

永樂港

明隆慶志在城南六十里濱湖

鐵索澗

輿地紀勝鐵索澗在合肥嘗見澗側有古墳石板上龍鳳相傳以爲揚行密墓

明隆慶志在府城西北

花平澗

輿地紀勝花平澗在合肥縣南七十里

鼇潭

輿地紀勝鼇潭在合肥縣西北古城百步

明隆慶志鼇潭在城西隍內水黑色四時不竭俗名黑池

按明志及康熙志皆作蜃潭卽輿地紀勝之鼇潭蓋字譌爲蜃耳

浮槎泉

輿地紀勝浮槎山泉在梁縣南山頂嘉祐中李不疑飲之甚甘以遺歐陽修修作記修與李不疑書曰浮槎水味豈

滅惠山

明隆慶志在浮槎山上泉味清冽宋嘉祐中郡守李公謹

飲之甚甘以遺歐陽修作記

采歐陽修浮槎山水記浮槎山在懷縣南三十五里或曰浮閣山或曰浮槎二山其事出於浮圖老子之徒荒怪誕幻之說其上有泉自前世論水者皆弗道余嘗讀茶經愛陸羽善言水其後得張又新水記載劉伯芻李季卿所列水次第以爲得之於羽然以茶經考之皆不合又新妄狂險譎之士其言難信頗疑非羽之說及得浮槎山水然後益以羽爲知水者浮槎遠甚而又新所記廬州界中較其水味龍池不及浮槎遠甚而又新所記以龍池爲第十浮槎之水棄而不錄以此知其所失多矣羽則不然其論曰山水上江次之井爲下山水乳泉石池漫流者上其言雖簡而於論水盡矣浮槎之水發自李侯嘉祐二年李侯以鎮東軍留後出守廬州因遊金陵登蔣山飲其水既又登浮槎至其山上有石池涓涓可愛蓋羽所謂乳泉漫流者也飲之而甘乃考圖記問於故老得其事蹟因以其水遺余於京師余報之曰李侯可謂賢矣夫窮天下之物無不得其欲者富貴者

之樂也。至於蔭長松，藉豐草，聽山溜，之潺湲，飲泉石之
 滴瀝。此山林者之樂也。而山林之士，視天下之樂，不一
 動其心。或有欲於心，顧力不可得，而止者，乃能退而獲
 樂於斯。彼富貴者，之能致物矣，而其不可兼者，惟山林
 之樂爾。惟富貴者，而不得兼，然後貧賤之士，有以自足
 而高世。其不能兩得，亦其理與勢之然歟。今李侯生長
 富貴，厭於耳目，又知山林之為樂，至於攀緣上下，幽隱
 窮絕，人所不及者，皆能得之。其兼取於物者，可謂多矣。
 李侯折節好學，喜交賢士，敏於為政，所至有能名。凡幼
 不能自見，而待人以彰者，有矣。其物未必可貴，而因人
 以重者，亦有矣。故予為志其事，俾世知此泉發自李侯。
 始也。
 明徐鉉詩：金莖瀉下，露華鮮。擊石攙枯手，自煎元酒盞。
 春歸太古刀圭入口，美飛仙。疲癯狼藉思甘醪，劣心
 知媿。俸泉三咽，寒冰起，遐思浮漾，欲派崑崙巖。乳巖
 明鮑持詩：浮槎不渡，意山清。翠羽空遺舊水，經石乳巖。
 年勞夢想塵凡，今始清。清便將活火，催魚眼，臘取先
 春試瓦餅，七盤清風，不厭何須更上，洗心亭。
 高誨詩：湖上仙山，我起石虬穿，破蒼源底，漫流絕壁。
 乳花圓栝，棧細瀉銀河，大遙遙。誰取寄神州，千載文章
 重歐子我生四十餘，春秋因循，欲致還無由。黃堂昨午
 俄分潤，塵袂洗淨，何悠悠。新葺石鼎晴雲，結急雨，滄江

廬州府志卷三

山川下

浪翻雪綠烟飛入湘簾深暖散浮花香不竭笑呼滿
定州瓷眞有清風生兩腋六一仙人去不還繼高
淮河南莫言一酌渾成差山水從今更增價

狀元井

輿地紀勝狀元井在郡學或云忠肅馬公爲郡學生擢進士第一而得名

龍池山泉

歐陽公集古錄載唐布衣趙耕撰張龍公碑云張公諱隆斯穎上百社人仕隋爲宣城令罷歸每夕出自戌至丑歸常體濕且冷其夫人石氏異而詢之公曰我龍也蓼人鄭祥遠亦龍也吾據池屢與龍戰明日取決可令吾子執弓矢射之繫以青緗者鄭也絳緗者吾也子遂射中青緗者

鄭怒東北去投合肥西山死今龍穴山是也其後蘇內翰
軾作記亦載此事山之東南隅有池傍有一廟遇旱鄉人
卽請水以禱

輿地紀勝龍池山泉在合肥縣卽龍穴山也歐陽修集古
錄載隋張路斯爲宣城令曰我龍也蓼人鄭祥遠亦龍也
與之戰鄭爲所射投合肥西山以死爲龍穴山其龍池之
山泉甘冽張又新水記以龍山水爲第十

明隆慶志在龍泉山上石池有泉混混不竭自僧寺後環
繞殿庭達僧厨曲折可愛味甘美

白公池

輿地紀勝白公池在梁縣春秋時白公屯兵於此

放生池

〔明隆慶志〕在縣治西隅唐乾元二年置

寶家池

〔明隆慶志〕在羅漢寺後今丈爲民田徵糧

金斗池

〔明隆慶志〕在府治內

梁家池

〔明隆慶志〕在德勝門內相傳洪武開池出一蛟游東北入

金斗河而去故又名龍池

日照泉

〔明隆慶志〕在黃山顛四時不涸清瑩可照眉髮一名龍泉

包公井

明隆慶志在縣學內

鐵欄井

明隆慶志有二一在河平橋東一明教寺東

七眼井

明隆慶志在時雍門內

甜水井

明隆慶志在永真坊

高井

明隆慶志在教弩臺高二丈餘井居其上

義井

明隆慶志在城東三里許隆慶初邑者斬槐等鑿以便行旅

舒城水

龍舒水

輿地紀勝龍舒水左傳杜預注曰廬江西有龍舒卽此水也

南溪

天下名勝志南溪在南門外發源孤井去縣西百五十里東南流經七門堰歸巢湖龍舒水在城南三里卽南溪也
明隆慶志在南門外發源於孤井經七門歸巢湖

采劉商汎舒城南溪賦得沙鷗歌終日間閣逐羣雞喜逢鷗鷺臨清溪綠苔春水水中影夜月平沙沙上草

謂江湖白蘋發又疑曲渚前年雪紫頂昂藏月狎人
一聲唳曉冲天鬪素質翩翩弄落華南渭柳相背飛東
西分散離別定字宙蒼茫相見稀皇華地仙如鶴馭乘
馮飄飄留不住延望乘虛入紫霞陌頭回首空烟樹會
使搏風羽翮輕九霄雲路隨先鳴

桃溪河

天下名勝志桃溪水源出六安州界入巢湖

明隆慶志在城北三十里發源六安州淖河歸巢湖

明芒文續桃溪春浪詩花開彷彿武陵源二月溪流漲
碧痕晴日猶紛紅雨落暖風浩蕩錦濤雲中雞犬迷
仙洞水底魚龍變禹門老眼出來空四海也疑飛瀑走
崑崙

孫昌裔桃溪詩萬樹桃花水一邨東風駘蕩湧脂痕從
教垂實三千歲子驥仙源路尙存

桃李河

天下名勝志桃李河在縣西百二十里源出霍山縣流入

桃溪

上七里河

〔天下名勝志〕南溪又二里爲李公麟墓又里許爲七里河

〔明隆慶志〕在縣西九里爲西山之會經南溪歸湖

〔任爲〕揖七里河晚泊詩孤舟泊村市小飲聽漁歌夜露忽侵袂秋星儼在河鴉翻鷺落木蟲響山寒莎鹿鹿塵中客今宵清興多

下七里河

〔天下名勝志〕七里河又里許爲下七里河

〔明隆慶志〕在縣東南七里接溪通湖

石塞河

〔明隆慶志〕在縣西一百二十里發源于西陽山

今攷縣志作石寨河在縣西南一百里

七門堰

太平寰宇記七門堰在廬江縣南一百一十里劉馥爲揚州刺史修築斷龍舒水灌田千五百頃

輿地紀勝魏劉馥廣屯田與治七門堰利民甚溥

天下名勝志按南畿志云七門嶺在縣西南三十五里有石洞如門者七三堰之源出焉上有三劉廟卽宋之七門廟也劉貢父廟記略云嘉祐二年子爲廬州從事始以事至舒城觀所謂七門三堰者問之溉田凡二千餘頃子圖書實揚州刺史劉馥所造自魏至今七百有餘年矣子于是嘆羨其功後二年校書郎包君廓爲縣主簿語子曰

穫信有功然吾聞於耆老而得美頡侯信焉初漢以龍舒之地封信爲列侯侯乃爲民濬畝澮以廣溉浸信爲始基至穫時廢而復修耳今將廟祀信而以穫祀按國朝始移今所

明宋驥過七門堰詩漢侯食邑古南舒此是仁民第一渠千載經行歎遺迹豐功不愧史臣書

鵲尾渚

輿地紀勝鵲尾渚在舒城縣卽鵲尾岸

詳見古述

今攷在縣東北六十里

金雞潭

輿地紀勝金雞潭在舒城縣深十餘丈纒鱗不容或謂金雞喚之人見龍游泳其中有金雞潭市

龍潭

〔明隆慶志〕在縣西十里土有龍王廟知縣劉顯作壩障水以灌諸堰處

今攷在縣西十八里

清心池

〔明隆慶志〕在縣西舊爲李公麟游玩之所

孤靜源井

〔明隆慶志〕在縣西一百五十里西山有井曰風曰雷曰雨水經七門三堰旋繞通于南溪歸巢湖遇旱取水禱雨輒應

今攷在縣西南七十里

龍井

明隆慶志在縣西一百二十里

廬江水

會市河

明隆慶志在縣北四十里源出馬槽山歸巢湖

清野河

明隆慶志在縣東北三十里源出冷父山歸巢湖

康熙志蘇成河高塘諸山水北流入清野河

縉溪

天下名勝志縉溪在縣西五十里發源馬槽山西日映之水紋如縉故名其水過縣門穿昇仙橋匯爲黃陂湖又東

流入大江

今攷在縣西十五里

黃屯河

〔明隆慶志〕在縣東南七十里源出黃屯諸山通大河入于江

今攷在縣東六十里東流無爲州界達於江

西河

〔康熙志〕在縣東南七十里自小餒口會白湖之水從泥汊口入江

今攷西河在無爲州黃陂白湖之水皆於此匯當以屬之無爲爲是

高子河

康熙志在縣西南四十五里接曹王河水至白兔河孔城
樅陽入江

羅昌河

康熙志在縣南五十里水出大凹諸山南流從袁子港入

江

澆川

南齊州郡志孝武寧康元年桓冲移姑熟以邊寇未靜分
荆楚梁二郡見民置之澆川立爲南譙梁郡

按南譙卽漢襄安地隋廢復置襄安今無爲襄安鎮其故
墟也今縣東三十里青帘以下至襄安河水其卽古之澆

川墩

曹王河

康熙志在縣西三十里甘泉山諸水合流過曹王廟入高子河

馬曹河

康熙志在縣西四十里水出馬槽山北入版橋河

雙河

康熙志在縣西四十里上接版橋崗頭二水下合金牛河

順江河

康熙志在縣東北三十五里匯棲鳳諸山之水合流入白

湖

塘缺河

康熙志在縣東南三十里與白湖後湖相通

谷勝河

康熙志在縣東北七十里水出砦山北流入焦湖

羅埠河

康熙志在縣北二十五里合黃獨諸山之水由清野河入

焦湖

今攷縣志黃獨作黃嶺

桐關河

康熙志在縣北二十五里水出砦父諸山北流入巢湖

關河

〔康熙志〕在縣東北七十里水出毛公諸山西流入白湖
谷埠河

〔康熙志〕在縣西十里接郎家山口諸水流爲繡溪從南河
入沙湖

盛家河

〔康熙志〕在縣東北五十里上承冶父諸山之水東北合流
遶馬頭口入白湖

黃泥河

〔明隆慶志〕縣東南三十五里源出秀山入黃陂湖

今攷河水源出黃石山行二十餘里匯邑東南諸溪澗水
入河明志以爲源出秀山誤也

石槽河

明隆慶志在縣南四十里源出礬山通黃陂湖

瓦洋河

明隆慶志在縣南一十五里源出秀山歸黃陂湖

今攷瓦洋河水亦源於黃石山經秀山入黃陂湖

沙溪河

明隆慶志在縣南五十里源出大門山通沙湖

今攷在縣南十五里

沙湖

明隆慶志在縣東南一十里注黃陂湖入大江

黃陂湖

明隆慶志在縣東南一十五里徑八里許

康熙志與沙湖俱受縣河及諸山之水東出缺口

今攷此湖與沙湖受邑境東南之水出缺口過青帘合黃屯河匯西河達於江又北山麻線河通後湖

瀾澗詩湖水清且閒臨流發佳趣曉岸登春山風荷落秋露險浪驚眠魚崩沙警飛鷺少女歌采蓮雙雙蕩舟

去

魏元卿過黃陂湖詩舟出黃陂湖水平湖光無際眼虛明招提隱隱雲邊靜水鶴雙雙日下輕蕩漿採蓮溪女觀焚香淪茗野僧清百壺那送如泉酒醉看中流綠鷺橫

白湖

天下名勝志白湖周圍七十餘里跨六鄉與巢湖接連流

入大江

明隆慶志在縣東北三十里

康熙志排字湖三十里通白湖

今攷此湖與邑中諸湖相連東出史家口匯西河入于江
不與巢湖通也

後湖

康熙志在縣東二十里與黃陂湖止隔一堤至孤神墩合
流注西河

金牛河

縣志金牛河在縣西四十五里上接雙河水北流入巢湖
按輿地紀勝謂金牛渚在合肥今蘆江境內但有金牛河
無金牛渚渚當歸之合肥

湯坑泉

縣志在縣西北五十里水極熱如沸

煖湯泉

明隆慶志在縣東十里煖塘山下泉溫可浴

虎跑泉

天下名勝志引南畿志云在縣南七十里光明寺側

笑泉

康熙志泉有二一在魯班塘內一在發洪山麓聞人笑聲

泉輒湧高尺許

甘泉

明隆慶志在縣西三十五里龍池山上泉凡五出清潔甘

美

龍湫泉

康熙志在冷父山頂有白龍蟄其中見則出雲而雨

飲馬池

康熙志在縣西四十里曹操牧馬處

今攷在縣西三十里

左慈井

明隆慶志在縣南門外相傳魏左慈嘗置丹一粒于井中

宋政和間每清夜氣蕭輒紅光燭天

羅漢井

康熙志在冷父山寺前石欄上刻羅漢十八尊有亭

一 郎井

康熙志近棲鳳嶺石刻宋哲宗祥符二年宛一郎造水味

清甘

今攷在縣東三十里

無爲州水

大江

水經注江水自濡須口又東左會柵口水導源巢湖東逕

烏上城北

見巢縣

元豐九域志無爲有江水

康熙志大江自州城抵江心螺磯山一百一十五里境中

之水皆納于此

州志東南抵泥汊口四十里東北抵裕溪口一百二十里
白石山水一名永安河

水經注柵水又東左會白石山水水發白石山西逕李鵲
城南西流注柵水柵水又東南積而爲寶湖中有州湖東
有韓綜山

明隆慶志永安河在州西十里源出白石山入大江
黃洛河

天下名勝志黃洛河在州西北四十里

州志源自焦湖流入江上流爲鐵毛河

季子青黃雒河詩漁子舟爲屋孤篷養婦兒雨來遮笠
笠湖長放鷓鴣水上情偏繫城中事不知故令行者羨
甫里是吾師

柵港河

玉海引輿地志柵江口古濡須口也吳魏相持於此吳築兩城於北魏置於南岸

明隆慶志在州東五十里源出江流經三溪河

州志柵港河今柵塢一望江水瀰漫

康熙志南朝多屯兵柵口似卽其處

州志馬溝河去城東十里接神塘出柵港口

裕溪河

玉海通鑑地理通釋今柵江裕溪當利三處皆爲南北衝

要

明隆慶志在州東北一百二十里入江

唐杜荀鶴送人歸肥上詩巢湖春漲裕溪深棧過東關

見故林莫道南來總無利水亭山寺二年吟

蔣熊飛裕溪晚泊詩偶上故人舫同看白下花搯搖江

月碎岸曳酒斝斜漁火炊蘆葉村肴煮荻芽灘頭成晚

泊縱步踏清沙

汪陽詩杏花紅旋柳梢青臨水人家戶半扇不是鄉音

聞楚語幾回錯認越谿亭

泥汭河

天下名勝志泥汭在州東南五十里

明隆慶志去州東南五十里入江

州志源出廬江黃白二湖流入江夾江河去城東南六十

里自大江入下通泥汭河復出

明徐少游泊泥汭詩一水紫翹地千峰杳靄開江空新

月上風急暮潮還馬過秋生聽壺傾酒在顏此行端不

惡塵夢了無關

顏堯揆泥汭道中詩水國青波處處塘倩誰圖畫武陵

莊人依曲徑編葦箔饋飲前溪過草堂社酒浮香借老
少萊畦速轍盡青黃捕魚不識分秦晉雞犬桃花老此
鄉
宋前詔舟泊泥汊詩臘盡扁舟渡遠天湖河霜雪倍悽
然江聲雲湧千帆下嵐氣烟深萬壑連鴻雁遙從沙渚
出鳧鷖閒傍野田眠那堪歲晚嗟行役雲樹還歌謝朓
篇

裏河

明隆慶志在州西一十里源出青檀山入大江

運河

明隆慶志在州東北四十里合馬腸河入江

州志作運漕河

馬腸河

明隆慶志在州東北六十里入江

三溪河

明隆慶志在州東南十里入江

花林河

康熙志花林河引舊州志曰環州皆水爲之襟帶州西水
一源張陰河一源華張河會陸家灣經花家墮等處以繞
於南而西郊入城舊有壩州北之水源董家橋經溫家圩
出關家橋而南以浣江河爲匯西北二流至此合出龍潭
灣白龍廟西花林河以洩於裕溪而北郊入城舊有橋橋
東北有黃土墩接鮑家山眾水後當事者於州西之壩斷
而爲橋州北之橋塞而爲壩東北之黃土墩又鑿而斷之
以爲巨浸自是西北分流萬歷四十六年諸生何炳文請

於州仍復古迹壩名文成知州李璋重築

直皂河

明隆慶志在州東南二十里入江

州志在州東南十里

樸樹河

明隆慶志在州東北一百里入江

臭龍河

明隆慶志在州東一百二十里東接大江下通樸樹河復

出江

州志經裕溪河復出

明施繼遠與龍河詩舟行盡日繞蘆灣歷遍江頭白鷺
灘狂浪颭蓬衣欲濕清風刮面晚生寒雲開西楚山容

換湖漲東吳水勢寬此景丹青描不就天然圖畫與人看

夾江河

明隆慶志在州東南六十里自大江入下通泥汶河復出

江

一箭河

明隆慶志在州東三十里

西河

州志在城西七十里源出廬江黃白二湖上流爲鶴毛河

石灰河

州志在城南一百里水自崑山竹絲湖流出大江

高湖

天下名勝志近青陽山今已湮

縣志在大東門外今爲官圩等田

吳廷翰百萬湖詩浪迹歸來百萬湖荷湖風景尙清娛東門日日魚成市二月家家鴨引雛楊柳綠連沙上屋芙蓉紅映酒邊燈此關台有棧遲客莫問桃源定有無

羨溪

三國吳志黃武初朱桓戍濡須其部曲妻子皆在羨溪魏曹仁率萬騎來侵揚聲欲東攻羨溪旣而遣其子泰攻濡須別將襲中洲蔣濟曰敵拒南岸列上游我兵入中洲是爲自納地獄危亡之道也仁不從果敗

州志在州東北亦謂之中洲今名漕溪或卽羨溪

錦繡溪

方輿紀勝錦繡溪在城內天慶觀前

天下名勝志無爲軍西南有錦繡溪一日錦池一日雙溪其景色不亞於廬江在天慶觀前今爲放生池

明隆慶志在州西南十里卽雙溪一名錦繡池

州志在州治南城內學宮前

宋楊傑詩十里喧闐錦繡川報聽人健趁飛鸞花明柳

暗丹青國日薄雲濃木墨天好文踐成芳草徑疎船街

破碧淨烟微街路云

宋士之道錦繡溪詩畫橋雕檻接招提新有幽人傍繡

溪千頃淨明天上下雨奩相映水東西飛樓湧殿參差

見古木修篁咫尺迷此景此時君信否綠楊影裏鸞黃

明吳廷翰錦繡溪詩楊柳深深沙塢起桃花短短野津

通亭蓋不歸雙溪上鳶來遊一盞中白石青山看盡

見錦橋畫舫照相同已堪高興乘壬子更可清狂醉賞

公

蘆洲

康熙志蘆洲州江面起自裕溪口三十里抵嶼磯山又六
十里抵柵港又三十里抵泥汊河又九十里抵灰河濱江
皆洲曰鯉魚套曰白馬洲曰萬家灘曰龍池套曰茅草壠
曰牛門溝等處共五十二場按晉書祖逖出屯蘆洲綱目
注其地未詳

白馬港

天下名勝志白馬港出曹山下相傳魏武屯兵牧馬之所

墨池

明隆慶志在州治內西北宋米芾爲守日所鑿

偃月池

明隆慶志在州治東南隅

南池

明隆慶志在州南

宋滿維端南池詩偃月城西錦繡川回環亭樹曲池邊
籃輿蠟屐閑投入竹塢花溪信步前照日寒梅融素斃
拂波垂柳弄輕烟東君已放春消息爲賦尋芳第一篇

嘉蓮池

明隆慶志在州治北池蓮常竝蒂故名

嘯泉

明隆慶志在州西北五十里又名呂泉舊傳唐呂洞賓憩
此卓劍泉忽湧出人有笑謾泉益滾沸故名

冥寬嘯泉詩百尺空潭上冷冷照素心山靈留異跡旅
客淡孤吟日下秋容靜霜清瑛影深刻然長嘯處微察

起幽陰

青龍白虎二泉

〔天下名勝志〕天井山有青龍白虎二泉其寺卽名雙泉寺
澗水流出名楚雲澗

徐婆井

〔明隆慶志〕在所雨山下遇旱禱雨輒應

仙人井

〔明隆慶志〕在州北三十里冬夏不竭相傳洞賓過此取水
飲今石欄上跪跡尙存

巢縣水

大江

水經注沔水與江合流又東過彭蠡澤又東北出居巢縣南又東過牛渚縣南注江水自濡須口又東左會柵口水導源巢湖東逕烏上城北又東逕南譙僑郡城又東絕塘逕附農山北又東左會清谿水

方輿勝覽巢縣有西江岷山導江至此號西江

巢湖

貨殖傳合肥受南北湖皮革鮑水之輸一都會也

水經注湯伐桀奔南巢卽巢澤也

玉海引郡縣志巢湖在巢縣西五十里周廻五百里南出於東關口東關口縣東南四十里接巢湖在西北至合肥界

太平寰宇記巢湖在巢縣西南一十五里自合肥縣經過一名巢湖一名樵湖一名焦湖云焦縣陷爲湖廬江縣巢湖在縣北三十五里

〔方輿勝覽〕巢湖港汊大小三百六十周圍四百里與合肥舒城巢縣廬江四邑接壤又云在巢縣西周圍四百里郡志云昔有巫言居巢縣門有四石龜口出血此地當陷爲湖未幾有人以指血置龜口巫姬見之南地遂陷青瑣高義云今巢湖古巢縣一日江漲港有巨魚漁者取以貨於市合郡食之有一姥獨不食遇老叟曰此吾子也汝獨不食吾厚報汝若東門石龜目赤城當陷姥日往視有稚子訪之姥以實告稚子欺之以朱傅目姥急出城有青衣童

子曰吾龍之子也乃引姥登山而免然東漢永平之間巢湖出黃金則湖陷之說妄矣

明隆慶志巢湖在合肥城東五十里周四百餘里占合肥舒城廬江巢四縣之境

南廬思道祭巢湖文維開皇元年十二月朔甲子具位姓名遣某官以清酌庶羞之饋敬祭巢湖之靈日泱泱滢滢南服之紀斜通海甸旁帶江汜深過百仞潤隄九里彭蠡莫倚具區非擬揚越不庭多歷年紀王師薄伐六軍戾止戒期指日馬首欲東常陰作沴零雨其漾水氣朝合天雲夜同申之苦霧繼以嚴風塗泥已甚輒闕不通有稽天罰用沮元戎唯夫百神受職水靈爲大皇王御宇率土無外當使日月貞明天地交泰雨師止其淋灑雲將卷其蔚蒼東渡火船南聳鸞旆收尉佗之黃屋納孫皓之青蓋然後革車旋軫戎卒凱歌楚俘霧集冀馬星羅無德不報有酒如河神之聽之斯言匪謬庶唐杜荀鶴過巢湖詩世人貪利復貪榮來到湖邊始至誠男子登舟與登陸把心何不一般平

宋劉攽詩天與水相通舟行去不窮何人能縮地有術

可分風宿霧城深黑朝濛浴嫩紅四山千里遠明晦已

難同又湖勢西來迎川形百道隔中流環島嶼傍市有樓臺

入望著烟合凌虛白浪厯興來思擊楫慚愧濟川才

宋吳潛焦湖秋月詩萬頃茫茫一鏡平老蟾飛影出滄

溪光涵玉宇水壺淨冷浸金波雪練明一笛秋橫紫背

穩雙瓶夜醉屢樓清移帆更向鞋峯去似有仙娥學弄

笙宋譚用之巢湖詩暖掠紅香燕燕飛玉雲仙珮曉相携

花開鸚鵡章郎曲竹亞虬龍白帝溪富貴萬場歸淡酒

是非千載逐芳泥不知多少開元事露泣春叢向日低

宋劉攽樂湖阻風詩重雲迷日月異縣入西東若畏連

天水何須竟夕風宋黃紹躡溪湖燕子魚詩桃花浪裏若翻飛紫燕生雛

爾正肥膩適青郎脂似玉年年虛待季鷹歸
明婁堅遠自廬州作詩場來入居巢漸與合肥近巢湖
百頃成鷲鷲不得進策馬山之阿弔古默自酒讓王彼
何人千載高風振七十老衰翁闌投終見猿孔孟亦違
違不達堯與舜達人無不可此理社鄙愴
又平生淡營利與世實寡營自願屏弱癯不堪功與名
每懷馬少游千載同此情一來肥子國輒思濯塵纓糞

壤盈我前飲水不得清乃知涉世味不如返柴荆仲尼
鄒稼圃傷時未昇平古來賢達士抱耒亦躬耕
又巢湖雖云險曠焉豁心胷於時雪初霽山高玉龍
重山亦邈迤拱揖相爲容風帆頃刻過我自不得窮但
見連檣來橫亘若垣墉忽憶艸味初養帥起從戎至今
廖與俞廟食崇元功奈何滯須塢紛紛鬩泉雄非無爪
牙士所攀非真龍信知聖人作萬象開晦蒙

寶湖

按水經注云江水東左會柵口水遵巢湖又云柵水又東
南積而爲寶湖則似相近有二湖矣今巢境不見此湖疑
後與巢湖合爲一也

濡須水

水經注江水自濡須口又東左會柵口水

太平寰宇記濡須水源出縣西巢湖亦謂之馬尾溝東流

逕亞父山又東南流注於江與和州含山縣分中流爲界
元豐九域志巢縣有濡須水

明隆慶志在縣治南天河之派源出巢湖東流入於江又
天河在縣治南自焦湖東口經縣前由裕溪入大江

柘臯河

天下名勝志橐臯河源出合肥浮槎山入巢湖唐陳鴻記
云廬州守陽平路君於巢湖東北岸橐臯里作詹廩三十
九間令州東兩邑輸米揚州者暫寄焉乃由申港出新婦
江至白沙人不勞而水無害

宋史劉錡傳錡行至柘臯與金人夾石梁河而陣河通巢
湖廣二丈錡命曳薪疊橋須臾而成

明隆慶志在縣西二十里源出合肥縣浮槎山歸巢湖

清溪水

水經注柵口水遵巢湖東逕烏上城北又東逕附農山北
又東左會清谿水水出東北馬子硯之清溪也東逕清溪
城南屈而西南歷山西南流注柵水謂之清溪口

康熙志清溪河在縣東南十里

浮濃河

康熙志浮濃河在縣東十里或因山得名

按此疑卽柵口水

黃洛河

明隆慶志在縣東六十里

康熙志漢永平中王縱山獲寶鼎今山不識所在或因此

彷彿得之

溪班固王維山出寶鼎頌嶽修貢兮川效珍吐金景兮
鼓浮雲寶頂見兮色紛緞煥其炳兮被龍文登祖廟兮
享聖神昭靈德兮彌億年

銅場河

康熙志在縣西五十里

雞魚河

康熙志在縣西四十里俗又呼雞皮河

白露河

康熙志在縣西六十里

巧溪河

康熙志在縣西七十里

金塘河

康熙志在縣西八十里

花塘河

康熙志在縣西北十里

高林河

康熙志在縣南六十里

縣志源自曹家山口經高林橋入湖

散兵河

縣南三十里在湖之濱

阜河

縣志在馬尾河內相通可十數里爲曹操所開

孫家河

縣志在縣南九十里

十字河

縣志在縣南七十里

在河

縣志在縣南

聽書港

明隆慶志在縣北五十里與孔子臺相近

飲牛港

明隆慶志在縣東門外一名洗耳池

湯泉

太平寰宇記湯泉在縣東北十里其泉湧出四時長熱凡抱疾者飲浴此湯無不效驗復有一泉半冷半熱名曰半湯舊志半湯池溫泉可浴在半湯山池之上覆以屋又分作小池

明蕭芳半湯池小記聞之西北之山有寒火焉東南之區有湯泉焉子奇之亦甚疑之後應試榕城友人爲言五里外有池可浴爾時塵冗何暇探幽選勝予之耿耿猶未釋也辛丑治巢取邑乘閱之離城二十里許地名半湯有溫泉於是過其處諦觀溫泉之源流沸從下壘湧若烹茗之松濤蟹眼狀從此掬水入池池不甚廣周圍結砌池之上覆以數椽又從內引出分二小池內清而外稍濁每歲夏秋之間車騎絡繹解衣盤薄致足樂也吾夫子曰清斯濯纓濁斯濯足如斯之內外迥分貴賤俱適有道君子流連其間當必有喟然而嘉嘆者矣獨是既有勝地而取壘翫垣倒塌之餘終成瓦礫大爲缺陷事子捐貲比材構一庭以覆內池中堂軒敞可供

宴飲又爲廊廡以蔭外池行路往來聊用駐足予差慰
矣豈徒以釋前此之疑哉
羅悅詩漪漪分兩壑誰記半湯名温煥能消穢清冷可
濯纓風雩來點浴盤石著湯銘千載驪山下行人憶華
清

止渴泉

明隆慶志在萬家山

琉璃井

明隆慶志在縣北門外井中有四柱如琉璃故名